

国朝诗人征略

國朝詩人征略

國朝詩人徵略卷二十

番禺張維屏子樹輯

岳鍾琪

字東美號容齋甘肅蘭州人官至兵部尙書加公  
爵諡襄勤有薑園蛩吟二集

公兒時好布石作陣父敏肅公器之奏以同知銜  
改武康熙五十八年西藏達哇藍占巴等叛

天子命親王爲大將軍率公征之公至察木多探知有準  
噶爾使者誘各番守三巴橋公念三巴橋進藏第  
一險賊若斷橋守之我兵不得過乃選能番語者

國朝言行錄卷二  
三十人衣番服馳至落籠宗禽使者五人殺六人

諸番驚以爲神兵自天而降相與匍伏降

小倉山房文集

雍正元年青海羅卜藏丹津寇西寧大將軍年羹

堯召公會謀公沿途勦撫奉檄征爾格弄寺喇嘛

羅氏黨也山甚險公奪山殺賊追至一山有高樓

賊伏其中發矢石公命健兒密攜引火木梯從兩

旁進而躬率大隊迎戰戰方鏖樓上烟起風燄灼

耀賊焦爛墜是役也破賊萬餘公兵止三千也

上命公直搗青海公請精兵五千馬倍之至哈達河戰斬

千餘人賊竄追之拔營夜行遲明至其處賊尙臥

馬未銜勒聞官軍至驚不知所爲則皆走生禽賊  
母阿爾太哈賊妹阿寶等羅卜藏丹津走噶爾順

青海平

上同

乾隆十三年起公爲四川提督征大金川公募新  
兵奪四十七碉樓復臨勒歪口

天子命大學士傅恆視師誅姦人阿扣王秋等賊懼欲降  
而負固未出公請詣賊巢驗誠否乃袍而騎從者  
十三人傳呼直入羣苗皆衷甲持弓矢迎公目會  
長笑曰汝等猶認我否耶驚曰果岳公也皆伏地  
羅拜公宣布

國朝詩人傳略卷二十一  
天子威德待以不死之意羣苗歡呼椎牛行炙畱公宿次  
日酋長莎羅奔等從公坐皮舡出洞詣大軍降

天子加公太子少保兵部尚書復還公爵加威信二字以  
寵異之公長七尺駢脅善射饕飲兼人其忠誠出

于天性征青海至哈喇烏蘇天寒溝澗軍渴公禱  
于天水卽湧出閒居手通鑑一編好吟詩同上

摘句 只因未了塵寰事又作封侯夢一場  
邯鄲題壁

卓爾堪

字子立漢軍人官前鋒有近青堂集

李之芳序云乙卯征閩逆爾堪爲右軍前鋒摧堅



陷陣身被數創猶居士卒之先雅頌熙朝

子立系靖難忠臣諱敬之後嘗輯勝國逸民詩集

文武並爛遠近爭高其行國朝詩別裁

摘句 不知孤月上但覺夜潮寬

花亂香烝岼峰高青出城

風雨每從今日到江山肯負此回看平山登高

### 曹寅

字子清號棟亭漢軍人官通政使有棟亭詩鈔

其詩出入於白居易蘇軾之間四庫提要

曹子清好射以為讀書射獵自無兩妨有懷堂藁

摘句 曉鐙寒無光驅馬別親故

忽開孤嶂曉獨坐白雲寒

兩間存正氣一脈接隆中

文山祠

酒人辭易水柳色到西京

禮法世難拘阮籍窮愁天欲厚虞卿

五月江濤新戰水百年籬落舊栽花

### 卞永譽

字令之一字仙容漢軍人官至刑部侍郎有式古

### 堂集

式古堂書畫彙考卞永譽撰是書書畫各三十卷



先綱後目先總後分先本文而後題跋先本卷題

跋而後引據他書條理秩然

提要 四庫

朱彝尊論畫詩有妙鑒誰能別苗髮一時難得兩

中丞之句蓋永譽及宋犖皆精於賞鑒

同上

摘句 江水流不返江風吹不住郎作江頭風妾

作江頭樹

揆敘

字愷功滿洲人官至都御史諡文端有益戒堂集

康熙壬午十月二十八日

召試南書房是日同試十二人

欽定揆敘第一查慎行第二奉

旨每日入直

敬業堂集

標題

元世祖出獵圖

古七

歸化城觀打鬼

古七

摘句

百事未成虛遣日一年堪惜又逢秋

濃靄交時收樹影亂山缺處見江流

喻成龍

字武功漢軍人官至湖廣總督有塞上集

成龍知臨江府時漕米解戶多累率破產成龍令

悉領於官百姓便之尤鼓舞學校購經籍數千卷

置尊經閣以授學者所表章忠節爲多

大清一統志

摘句 立馬望黃河天清塞雲紫

山分吳楚地波接漢湘秋

小孤山

小院斜通禪舍遠短牆飛出落花來

鈕 琇

字玉樵江南吳江人貢生官知府有臨野堂集

觚賸鈕琇撰是編成於康熙庚辰皆記明末

國初雜事琇本好爲儷偶之詞故敘述是編幽豔悽

動有唐人小說之遺

四庫提要

玉樵令高明觚賸一書成於此時

楚庭稗珠錄

檀默齋云玉樵令高明邑海王廟鶴木合抱爲廳

風所拔枯已三年已卯五月木忽起立復生蒼翠  
偏反宛如鶴羽又龍眼樹而荔枝實民咸歸美於

玉樵善政之徵也

江蘇詩徵

標題

秋雨歎

七古

後修塘謠

七古

摘句

勢盛疎族聚時危密交輕

春風客淚河橋柳夜月鄉心驛路笳

紫朮夜春供客飯白雲秋製入山衣

張雲翼

字鵬扶漢軍人襲侯爵官至提督

松江提督張雲翼以公侯世家而嚴灘一首獨出

新裁其詞云漫整荷衣拜逸民灘聲猶自動星辰  
富春近日誰漁父天子當年有故人名到先生纔  
是隱賢如光武不稱臣只因曾作梅家壻外氏家

風愛隱淪

隨園詩話

摘句 明月到樓忘是夜桃花無水不成春

張養重

字虞山江南江陰人

張虞山過廣陵謁余揖甫罷余亟問曰夙愛足下  
南樓楚雨三更遠春水吳江一夜生平生如此好  
句復有幾張退謂邱洗馬季隨曰夙昔快意之句



不意阮亭一見便能道出漁洋詩話

摘句 纜走懸崖險舟穿亂石斜

沈受宏

字台臣江南太倉人貢生有白漚集

先生孝友誠懇終老不遇而中心坦如國朝詩別裁

白漚弱冠時梅村先生見其詩大擊節嘗寓書合

肥龔宗伯曰吾里中詩人近得毛生沈生毛生北

遊沈生送以詩有曰毛生自是初相識莫便輕他

十九人此與唐人何以異國朝名家小傳

沈白漚句云傷心一種天涯客卿是飛花我斷蓬



杭堇浦句云妾是水萍郎墮絮天生一樣可憐春

才子飄零佳人淪落言外多少感歎聽松廬詩話

摘句 貧是儒家事難安為老親遙憐負米客長

作倚閭人

方登嶧

字鳧宗江南桐城人官工部主事有述古堂集

鳧宗古詩得樂府神理近體亦蒼健聽松廬詩話

標題 秦女休行七古 霜遲樂七古

摘句 寸有長尺有短雙輪馳不可挽我所急天

所緩

形骸百鍊後心事五更中

楊賓

字可師號大瓢浙江山陰人

考安城爲友人累戍寧古塔可師赴

闕訟寃得

旨之桺條邊迎親歸作桺邊紀略塞外人稱楊夫子書法

不染宋元習氣

國朝詩別裁

賓父沒例不得歸骨賓走京師日搏頹於當道輿

前有憐之者爲奏請更例遂迎母奉父柩歸

蘇州府志

摘句 父母驟相逢注視還相訝

涕淚沾巾向北風但見庭闈死亦得

王 穀

字孟穀湖廣漢陽人有突星閣詩集

楚才自胡承諾顧景星而外僅見此人

漁洋詩話

孟穀獨抱一經長年旅食曾應薦舉卒無所遇僅

存遺集二寸許耳

國朝名家小傳

摘句 字比南金看不盡情隨秋水去還長

卻憐老死空家祭不見王師北定年

讀放翁集

楊 模

字子式浙江仁和人